


HERNANI. EMAKUMEEN ETXEA

-2017-01-30. SAIO IREKIAREN AKTA-



ZERBITZUAK ETA KUDEAKETA

BILERAREN XEHETASUNAK:

- Data: 2017-01-30
- Lekua: Beterri Garapen Agentzia
- Hasiera ordua: 18:00
- Amaiera ordua: 20:00

- ❖ Bertaratuak: 15 herritar
- ❖ Udal teknikariak: Maialen Apezetxea eta Irantzu Jauregi
- ❖ Dinamizatzaileak: Susana Martinez eta Maitane Barrenetxea.

1. AURKEZPENA

Maialen Apezetxea Hernaniko Berdintasun teknikariak sarrera eman dio saioari. Emakumeen Etxearen proiektua definitzeko azken fasean sartu da prozesua, "Bildu" fasea, eta horretarako 2 lan saio egitea aurreikusten da, gaurkoa lehendabizikoa eta otsailaren 15ean hurrengoa.

Garazi Etxarri zinegotziak hartu du hitza ondoren, eta prozesu honetako azken bileran sortutako zalantza argitze aldera, azken hilabetean egindako bilera eta lanketaren berri eman du, ondorio batzuk aurkeztu dituelarik:

- Amher elkarte eraikinez aldatuko da, egun Gabriel Zelaia den horretara igaroz.
- ERAIKIN PUBLIKO baten erabilera izango du. Kultur etxe batek, edota kiroldegi batek izan dezakeen dinamika edota erreferentzialtasuna izatea da helburuetako bat, hau da, feminismoaren eta mugimendu feministaren eta kultur aniztasunaren lanketarako erreferentziatzeko lekua izatea.
- Eraikina (eta ondorioz, bere izena baita ere) bat eta bakarra izango da, izena oraindik zehaztu gabe egon arren, bertan egingo den lanketa barnebilduko duen izena izango du.
- Feminismoa eta kulturartekotasuna lantzeko espazioa izanik, bertan antolatuko diren ekimen, ekintza etab.-ek helburu horien arabekoak izango dira, edo gaiarekin lotura zuzenekoak izango dira.
- Kultur etxe zein kiroldegietatik espazio honek izango duen ezberdintasunetako bat izango da hainbat elkartek euren bilkura lekua edo lokala eraikin honen barnean izango dutela.
- Hala ere, eraikin publiko izaerak, elkarte hauen gaur egungo dinamikan eragin dezake: dela ordutegietan, "giltzak edukitzean", edo erabilera pribatuko hainbat ekintzetan (merendolak, bazkariak...).
- Halako "beldur" edo "arriku" sentsazio bat nabaritzen da, bai plaza feministako eragileen partetik, baita Amherren partetik ere, batak bestea "absorbituko" ote duen. Eraikina eta izena bat izateak ez du zertan hori esan nahi, horrexegatik "kulturarteko plaza feministaren" ideia.
- Kontuan izatekoa da errealitatea aldakorra den neurrian, orain lantzen ari garen edukiak zein espazioaren antolaketak gaur egungo beharrei erantzuten diela.

Azalpen hauen ostean ekarpenak egiteko tarte ireki da:

- Galdegin da ea erabakia hartua dagoen edo eztabaidatzeko aukerarik ba ote dagoen gaiaren inguruan. Izan ere, aldaketa handia da Emakumeen Etxearen ideiatik gaur azaldu den ideia honetara.
- Saioko parte hartzaileetako batzuk indargune edo aukera bezala ikusten dute, feminismoaren eta kulturartekotasunaren artean sinergiak sortzeko.
- Aipatu da prozesuaren hasieratik ez zela ongi argitu ideia hau, eta hasieratik landu behar zela bi gaien inguruko uztartzea nola egingo den eraikini berdinean.

2. ZERBITZUAK

Aurkezpen eta eztabaidaren ondoren, Emakumeen Etxeak eskaini beharko lituzkeen zerbitzu eta baliabideen inguruan galdegin da. Horretarako, talde txikietan, honako galderari erantzun zaie.

ZERBITZUAK	Zein zerbitzu gehiago eskaini nahi ditugu? Non ikusten dira hutsuneak?	Zein baliabide behar ditugu? Giza baliabideak, ekonomikoak...
<ul style="list-style-type: none"> ○ Emakumeentzako Jabetze Eskolak ○ Haurdunaldi tailerra ○ Plax! Bikote eta Sexu aholkularitza ○ Plax! Gazteeentzako sexu aholkularitza ○ Beldur Barik programa ○ Martxoak 8, Azaroak 25 hainbat ekimen: hitzaldiak, antzerkiak, liburu aurkezpenak... ○ Ikasturtean zehar sor daitezkeen hainbat lan bilera 	<ul style="list-style-type: none"> - Aholkularitza eta laguntza psikologikoa tratu txarretan - Identitate sexuala lantzen edo aholkatzen duen zerbitzua - Izan Gizon bezalako proiektuak gehiago bultzatzea - Zerbitzu psikologikoa tratu txarretan - Aholkularitza – zerbitzu juridikoa - Berdintasunera hurbiltzeko sentsibilizazio tailerrak. Kanpora begira, jende gehiagorengana/berriarengana hurbiltzeko - Sormen tailerrak - Zine Foruma - Beste dimentsioa/ildoak balioan jarri: herri mugimendutik sortzen eta garatzen dena herriari begira. Lekua honetarako zerbitzu eta jarduera eskaintzan. (azaltzen den horretan oso ongi jasotzen da maila instituzionalean garatzen dena, ez ordea herri/komunitate mailan garatzen dena.) - Eragin etxearen espazio fisikotik at, ideia hau balioan jarri. Azpimarratu nahi da espazioa sortzen dela ez soilik bertan jarduerak garatzeko, baizik eta bitarteko bezala, herrian zehar eta herriko jarduera, zerbitzu, erakunde eta gune ezberdinetan eragiteko. Oreka: gune propioan jarduerak garatu eta zerbitzuak eskaini/jaso, eta aldi berean herriko beste gune itxi/irekietan eragin (plazan, kultur-etxean, kiroldegian, udalean, hezkuntzan....) 	<ul style="list-style-type: none"> - Dokumentazio zentroa hornitzeko baliabide ekonomikoa: liburuak, pelikulak, gela, teknologia... - Aholkularitza psikologiko eta juridikorako adituak, baliabideak - Dinamizatzailerak - Informazio/Bidela sarea mantendu, jarraitu, birsortu - Parte hartzaileen topagune eguna ("katxondeo" + elkartrukea) - AKTIBISMOA kontuan hartu - UDAL LANGILEAK - Espaziorako HARRERA ARDURADUNA (BEDELA, beste gune publikoetan egoten diren bezalaxe, harrera arduradunak, bertako espazioaren antolaketaz eta erabilera koordinazioaz arduratzen dena.)

3. FUNTZIONAMENDUA

Zerbitzuen inguruko ekarpenak egin ostean, funtzionamenduaz hainbat ideia jaso dira. Hona hemen hitz txanda irekiak jasotako ideiak:

- Hasieran asanblada (irekia). Berdintasun sailetik harago joateko
- Egun berdintasun kontseilua dago, sailari lotuta, eta ondo funtzionatzen duen heinean, bere horretan mantentzea proposatzen da.
- Asanblada erabakigunea izatea, ondoren bertan hartutako erabakiak "talde exekutibo" batek garatzea
- Asanblada ongi, hortik aurrera ateratzen dena ejekutatzeke zer?
- Baliabideak erraztuko dituen "no"
- Asanblada erabakigunea
 - o Ejekuzio taldea izango du
 - o Alde ez insituzionala kudeatu beharko du
- Nola bat egin asanbladak eta kontseiluak? Kontseiluak dinamika propioa du, oso zehatza, ez da solapatuko
- Aldiro arduradunak txandakatzen Joan, talde kideak aldiro mugitu
- Talde motorra/dinamizatzailearen beharra
- Asanbladak berak erabaki dezala geroko talde "izaera" e.a.
- Asanblada antolatu behar da, norbaitek antolatu behar du...
- Ez dakigu zer egingo dugun, nola banatu edo definitu ardurak orain?
- Zein maiztasunekin bilduko litzake asanblada hau?
- Asanbladek ez dute traiektoria luzerik.
- Gizonek parte hartu dezakete asanbladan?

Ondorio bezala, ateratako ideietatik azpimarratu dena honakoa izan da:

- *Lan instituzionalaz gain feminismoan eta berdintasunean herri mailan eragiteko Asanblada baten sorrera proposatzen da*
- *Asanblada horren antolaketa eta egituraren inguruan bi ikuspegi ezberdin daude:*
 - o *Ardura zehatza batzuk adostu eta banatzearen beharra. Talde eragile bat sortzeko aukera.*
 - o *Ardurak asanbladak berak ikusiko du nola banatzen dituen, orain horretan sartzeko "goizegi" da*
- *Zehazteke geratu da Berdintasun Kontseiluaren eta Asanblada honen arteko harremana nola egituratuko den.*

4. IZENA

Zein izen jarriko diogu eraikin berriari?

Orain arte atera diren izenez gain, beste hainbat proposamen jaso dira gaurko saioan. Erabaki da, otsailaren 10era arteko epea zabalduko dela izen proposamenak jasotzeko, eta hurrengo saioan erabakia hartuko da.

Izen proposamenak honakoak dira:

- *Joxepa Matea Zubeldia*
- *Roxa*
- *Buganbila*
- *Alberjina*
- *Jazmina*
- *Mujeres con Casa*
- *Amarauna*
- *Manttoni*
- *Arragoa*
- *Abaroa*
- *Sagarmiña*
- *Tximeleta*
- *Txipitixonian*

5. BALORAZIOA eta ITXIERA

Saioaren amaieran, edukiak, metodologia eta giroa baloratzeko eskatu zaie parte hartzaileei:

	EDUKIAK	METODOLOGIA	GIROA
😊	XXXXX XXXXX XXX	XXXXX XXXXX	XXXXX XXX
😐		XXX	XXXXX
😞			

Hurrengo saioaren data eta landuko diren edukiak gogoraraziz, saioa amaitu da 20:10ean.